

## In salid *rumantsch*


Sco prim èsi stà da decider tgenina maschina cumprar. 2Ps - 32 000 girs la minuta. Perfect. Cun ina cuppa per fritgs u verdura e cun ina cuppa per graun e nuschs e da quai. Kuno chanta entant ch'el vesia ora sco in cudogn, ina «quitta». Sche lura bain. Ma quai saja in fritg simpatic cun in bun character. Prendain nus gist per provar in prim smoothie. Ed ina banana. E duas mails. Na, quels na sa cunfan betg cullas quittas. Ähm, lura prendain nus forsa, ähm, mabain, tuttina mails. Simplamaing ina sort dultscha.



Smutti

Ma la quitta è dira. Nagin problem per la maschina cun 2Ps e 32 000 girs la minuta. Quella fa buglia era cun il minz dad in avocado. Ella sfenda tut ils minzs da tut ils fritgs e da tut la verdura. Prest sco ina ovra atomara. Quai rendia surtut cun quai che è verd dian ils experts. Sfratgar si las paraids da la feglia da las carottas gist raccoltadas en iert, il meglier gist ensemen cun las carottas. Uschia deliberain nus las substanzas nutritivas «zuppadas» en las feglias. Quai fetschia che nus restian vitals. Dian ils profis.

Perquai ha era tat cumprà ina maschina per far smuttis. Restar vital è super. Dentant a tat plaschi surtut ch'ins po bittar ils fritgs (quai cun la verdura sto el anc ponderar) entirs en la cuppa da la maschina, smatgar il buttun e dai. Lura pon ins gia baiver il smutti. E restar vital era sch'ina vesa ora sco ina quitta.

  
David Spinnler